



U sklopu realizacije projekta „Osnaživanje žena kroz plasteničku proizvodnju - podrška aktivisticama NVO“, finansiranog od strane Američke ambasade u Sarajevu a uz podršku Općine Bugojno, implementator projekta, EKO ELEMENT Bugojno objavljuje

JAVNI POZIV

nevladinim organizacijama (NVO)/organizacijama civilnog društva (OCD) sa područja općina Bugojno, Gornji Vakuf - Uskoplje i Donji Vakuf za nominaciju svojih aktivistica - kandidatkinja za dodjelu plastenika za poljoprivrednu proizvodnju.

I. UČEŠĆE I PRAVO UČEŠĆA

Pravo učešća u ovom Javnom pozivu imaju sve NVO/OCD sa navedenog područja koja uz Pismo nominacije kandidatkinje, dostave kopije dokumenata:

- Rješenje o registraciji
- Bilans stanja / bilans uspjeha za prethodnu godinu
- Izjava o tačnosti / istinitosti podataka

Pismo nominacije kandidatkinje se treba sastojati iz tri dijela i sadržavati slijedeće informacije:

1. Osnovne informacije o NVO, provedene aktivnosti, akcije i projekti;
2. Informacija o aktivnosti kandidatkinje u djelovanju NVO podnosioca prijave; eventualno učešće u drugim društveno korisnim aktivnostima;
3. Socijalna slika kandidatkinje.

Pismo nominacije kandidatkinje nesmije prelaziti četiri (4) strane A4 formata. Odabrani aplikanti će biti u obavezi predložiti originalne dokumente ili ovjerene kopije podnesenih dokumenata na uvid, te eventualno dodatnu dokumentaciju.

Prijave sa pratećom dokumentacijom se dostavljaju elektronski, na adresu ekoelementb@gmail.com ili u zatvorenoj koverti na adresu Eko Element, Resursni Centar Bugojno, ul.307 mbr 88, 70230 Bugojno, sa naznakom "Prijava NVO na Javni poziv za dodjelu plastenika" najkasnije do 25.10.2014. kada će Komisija za odabir korisnika izvršiti evaluaciju pristiglih prijava.

Sve informacije o projektnim aktivnostima te lista odabranih NVO i njihovih kandidatkinja će biti objavljena putem lokalnih elektronskih medija i web-a UG Eko Element:

www.ekoelement.com.ba

<https://www.facebook.com/EkoElement?ref=stream>

<https://www.facebook.com/groups/48420529191/>

Ukoliko postoji potreba, eventualna pojašnjenja ovog Javnog poziva se mogu dobiti ISKLJUČIVO postavljanjem pitanja na E mail: ekoelementb@gmail.com ili u prostorijama Eko Elementa, na adresi Resursni Centar Bugojno, 307 mbr 88, Bugojno, svakim radnim danom od 12oo do 14oo sati.

Učešće prijavom na ovaj javni poziv podrazumijeva predaju nominacija kandidatkinja za dodjelu plastenika površine 100m2 za poljoprivrednu proizvodnju, uključujući integrisani sistem navodnjavanja, te za sudjelovanje u edukativnim aktivnostima iz oblasti plasteničke proizvodnje koje će biti realizirane u skladu sa planom implementacije projekta „Osnaživanje žena kroz plasteničku proizvodnju - podrška aktivisticama NVO“.

II. OBAVEZE PARTNERSKIH NVO/OCD UČESNICA U PROJEKTU

1. Odabrane NVO/OCD se, zajedno sa projektnim partnerima, obavezuju na podršku svojoj kandidatkinji kroz učešće u procesu monitoringa zajedno sa projektnim timom.

2. U svrhu transparentnosti projektnih aktivnosti te promocije projekta, partnerska NVO/OCD pristaje na sljedeće radnje:

- a) Davanje izjava implementatoru i donatoru o uticaju i značaju projekta za njihovu organizaciju i odabranu aktivisticu / kandidatkinju;
- b) Snimanje vlastitih izjava od strane implementatora i donatora;
- c) Fotografisanje i plasiranje fotografija projektnih aktivnosti u medije i/ili kao promotivne materijale implementatora i/ili donatora;

Partnerske NVO/OCD mogu, ukoliko žele, sa UG Eko Element potpisati opšti Sporazum o saradnji što rezultira sveukupnim jačanjem kapaciteta nevladinog sektora te stvaraju uslovi za buduće zajedničko djelovanje - pripremanje, apliciranje i implementaciju projekata.

III. USLOVI ZA DODJELU PLASTENIKA ZA POLJOPRIVREDNU PROIZVODNJU

Pravo na dodjelu plastenika za poljoprivrednu proizvodnju površine 100m² mogu ostvariti nezaposlena fizička lica ženskog pola, starosne dobi 40 +, aktivistice NVO/OCD, nominirane od strane svojih NVO koja imaju prebivalište na području općina Bugojno, Gornji Vakuf - Uskoplje i Donji Vakuf i koja posjeduju zemljišnu parcelu ili imaju pravo raspolaganja zemljišnom parcelom sljedećih karakteristika:

- Parcela površine minimalno 100m² za postavljanje plastenika u vlasništvu ili pravu korištenja kandidata;
- Parcela ima mogućnost navodnjavanja;
- Nagib parcele od 0,4% do 2%;
- Parcela mora biti locirana u neposrednoj / razumnoj udaljenosti od objekta za stanovanje kandidatkinje.

Kandidatkinje su dužne o svom trošku izvršiti pripremu tla, nabavku sadnog materijala te ekološki prihvatljivih zaštitnih sredstava u svrhu uspješne plasteničke proizvodnje. Edukativni program projekta obezbjeđuje stručnu podršku za ove oblasti.

Lica koja posjeduju plastenik koji je dodijeljen kao donacija od strane bilo koje organizacije, ili čiji član uže porodice posjeduje plastenik koji je dodijeljen kao donacija od strane bilo koje organizacije, ne mogu ostvariti pravo na dodjelu plastenika po osnovu ovog Javnog poziva..

Odabranim kandidatkinjama se preporučuje registrovati poljoprivredno gazdinstvo ili postati članovi Registra poljoprivrednih gazdinstava, udružiti aktivnosti / proizvodnju sa drugim korisnicama ili postojećim proizvođačima, te ostale aktivnosti i pretpostavke za uspješnu plasteničku proizvodnju.

Projektni tim

